

Ka pēhea te whakamau i aku whiwhinga katoa?

Ka rārangihia nei ō whiwhinga katoa i raro i tō Tau Ākonga ā-Motu (NSN -National Student Number). Ka tāpirihia hoki ngā whiwhinga akoranga āhukahuka (LR) ki tō NCEA kātahi ka pāoho atu ngā whakatau ā te Hanuere 2021. Ka kitea ēnei whiwhinga i tō Ākonga Takiuru (Learner Login) kua ko tō rārangi whiwhinga, i te mea he rārangi whiwhinga kē mō ngā paerewa, ngā kaupae me ngā tohu.

E taea e koe te tiro atu ki ō whiwhinga katoa mā te uru ki te paetukutuku, www.nzqa.govt.nz/login, ā, hei te Pipiri ka tuku atu ēnei tohutohu ki tō kura.

Te tuku whakatau whakamutunga ki ngā Whare Wānanga me ngā Kuratini

Hei te Kohitātea 2021, ka tukuna atu e NZQA ngā whakatau o te Taumata 2, o te Taumata 3, me te Whakauru Whare Wānanga (UE) ki ngā whare wānanga katoa me ētahi o ngā kuratini. He mea akiaki noa i tā rātou pūnaha whakauru ākonga. Ki te kore koe e whakaae kia tuku atu ō whakatau ki ngā whare wānanga me ngā kuratini o te motu, **me mātua** whakamōhio atu i tō kura. Me rangahau i te paearu whakauru kei ngā whare wānanga, ngā whare ako katoa.

Ki te hiahia ako koe ki tētahi whare wānanga ki tāwāhi, me tere te whakapā atu ki a rātou ake mō ngā whakamārama whakauru ākonga. Kia mōhio mai, ka noho tūmata whānui ō whakatau katoa ki ngā whare wānanga o Ahitereiria. Ki te kore koe e whakaae kia tirohia ai ō whakatau e rātou, me mātua whakamōhio atu ki a NZQA.

E whakaaro ana koe ki te mahi i ngā whakamātautau matihiko?

Me mātua mōhio koe mēnā kei te whai atu tō kura i ngā mahi matihiko, ā, he aha hoki te mahere a te kura, he aha hoki ngā marau me ngā whakamātautau matihiko e whāia ana.

He aha ngā marau me ngā whakamātautau matihiko mō te 2020?

Te Pūtaiao Ahuwhenua / Ahumāra, te Toi Hītori, te Pakihi, te Whakaakoranga Puāwaitanga Hainamana, te Toitūtanga (T2 anake), ngā reo; Ingarihi, Wīwī, Tiamana, Hapanihi, Rātini (T1 - 2 anake), Hāmoa, Paniora, Māori, Te Reo Rangatira, Hauora, Hītoria, Te Ohaoha (Kāinga), Mahi Pāpāho, me te Mātai Hinengaro.

Me pehea au e whakarite tika ai mō te whakamātautau matihiko?

Me pērā anō ngā mahi whakarite o te whakamātautau pepa, arā te rangahau horopaki e ai ki te marau. Heoi anō, me mōhio hoki ki ngā tikanga mahi aromatawai matihiko, ā, me tika hoki tāu nā pūrere e whakamahia ana. Anei te poka pū mō ngā ākonga 'kia waia haere ki te āhua o ngā whakamātautau matihiko': <https://www.nzqa.govt.nz/ncea/ncea> Kei konei hoki ngā taurira whakamātautau i roto i ngā tau me ngā tohutohu kia rite mai ai tō pūrere.

Whakapā atu ki tō kura, ki te paetuku nei - www.nzqa.govt.nz/ncea mō ngā whakamahuki katoa



NZQA
NEW ZEALAND QUALIFICATIONS AUTHORITY
MANA TOHU MĀTAURANGA O AOTEAROA

QUALIFY FOR THE FUTURE WORLD
KIA NOHO TAKATŪ KI TŌ ĀMUA AO!

**TE TIWHIKETE MĀTAURANGA
Ā - MOTU (NCEA)
TE HIRANGA O AOTEAROA 2020**

**HE WHAKAMĀRAMA MŌ NGĀ ĀKONGA, NGĀ MĀTUA,
NGĀ WHĀNAU ME NGĀ KAITIAKI 2020**

I whakahoutia i te Hune 2020

Kia ora

Me pēhea au e whai i te NCEA, i a Te Hiranga o Aotearoa rānei?

Hei te wā ka tukuna mai e tō kura ngā kōrero whakauru ki a NZQA i te marama o Maehe, koia hoki te wā ka uru mai koe hei ākonga mō te NCEA. Me mātua whai koe i ngā ture me ngā tikanga o te mahi aromatawai. Mēnā kei te ako koe i ngā kōhi kei Te Aho o Te Kura Pounamu, kei tētahi Wānanga, kei tētahi Kuratini rānei, me whakamōhio atu ki tō kura kia rārangi tika nei ō whiwhinga katoa i tō tiwhikete 'Ngā Whiwhinga' (ROA - Record Of Achievement).

Pēhia ki te paetuku nei mō ngā whakamārama katoa: www.nzqa.govt.nz/ncea/ncea-results/.

Te whai NCEA Taumata 1, 2, 3

NCEA Taumata	Ngā Paearu
NCEA Taumata 1	Me 80 whiwhinga kei ngā taumata e hiahia ana, engari me 10 whiwhinga mō te reo matatini, me 10 whiwhinga anō hoki mō ngā tohu tau i te taumata 1.
NCEA Taumata 2	Me 60 whiwhinga kei te taumata 2 (neke atu rānei) me te 20 whiwhinga kei taumata kē atu Kua tutuki hoki ngā herenga mō te reo matatini me ngā tohu tau i te taumata 1.
NCEA Taumata 3	Me 60 whiwhinga kei te taumata 3 (neke atu rānei) me te 20 whiwhinga kei te taumata 2 (neke atu rānei) Me tutuki hoki ngā herenga katoa mō te reo matatini me ngā tohu tau i te taumata 1.

Me he pātai anō āu mō te reo matatini me ngā tohu tau, me korero atu ki tō kura.

Hei te tau nei 2020, ka tāpirihia he whiwhinga akoranga āhukahuka (Learning Recognition LR) mō ngā whiwhinga e rima ka riro i a koe. E taea ai te 10 whiwhinga akoranga āhukahuka te tāpiri ki te NCEA Kaupae 1, te 8 whiwhinga akoranga āhukahuka ki ngā Kaupae 2 – 3. Ka tāpirihia ēnei whiwhinga ki te tohu e tata ana koe ki te whakaoti. Kōrero atu ki tō kura, ki a NZQA rānei 0800 697 296 mō ngā kōrero whakamārama.

Āta pānui koutou ko ō kaiako i te Wātaka Whakamātautau Ā-Motu 2020 (www.nzqa.govt.nz/timetable) ki ngā rā kua pānonitia ki te tūpono hoki kei te papatu nei ngā whakamātautau. E taea ai e NZQA, e tō kura rānei te tautoko i a koe ki te whakatika.

Kāore he utu mō te NCEA me Te Hiranga ki ngā ākonga taiwhenua, arā ngā ākonga nō Aotearoa ake.

Te utu ki ngā ākonga nō tāwāhi

Me mātua whakautu ngā ākonga nō tāwāhi i ngā utu e whai nei kia uru ai i te NCEA me Te Hiranga:

- Te whakauru NCEA \$383.30 ia ākonga
- Te whakauru Te Hiranga \$102.20 ia marau

Me pēhea te ākonga nō tāwāhi e whakautu ai?

- Me tuku te utu ki tō kura. Mā rātou anō koe e whakamōhio i te rahi o te utu me te wā tika kia utu.
- Ka tukuna mai tō kura ngā utu katoa ki a NZQA i mua i 31 o Oketopa 2020.

Ka taea e au te haere ki wāhi kē atu ki te noho whakamātautau ā-motu?

Me mātua kōrero ki tō kura me he tino take e whakahē ana i tō noho ki āu whakamātautau katoa, ki te taiwhanga whakamātautau kua tohua nei e tō kura. Mā tō kura anō e whakapā mai ki a NZQA hei rangahau i te otinga.

Me pēhea hoki ngā ākonga hauā e whai āwhina nei i ngā mahi aromatawai tarāwhare, tarāwaho rānei?

- Me he tamaiti hauā koe (ā-tinana, ā-hinengaro) ka whai āwhina tonu koe i ngā mahi aromatawai tarāwhare, tarāwaho rānei i a koe i te kura. Ko te Aromatawai Hira (Special Assessment Conditions) tēnei momo āwhina.
- Ki te hiahia āwhina koe, me tuku tonu mai tō kura ki a NZQA kia whai mana ai.
- Ki te whai mana nei tō tono āwhina, mā tō kura koe e whakamōhio, e whakarite i ngā mahi katoa.
- Whātoro atu ki te paetukutuku nei mō ngā whakamārama atu o te Aromatawai Hira: www.nzqa.govt.nz/sac

Me pēhea au e whai i te tohu Whakauru Whare Wānanga (UE)?

Ko te UE te paearu matua hei tono ki te ako ki tētahi Whare Wānanga i Aotearoa. Kei a rātou kei ngā wānanga hoki ā rātou ake paearu mō ngā momo hōtaka nā reira me whai wā hoki koe ki te rangahau i ā rātou kōrero whakamārama.

Kia tutuki i ngā herenga o te Whakauru Whare Wānanga (UE) i te tau 2020 me mātua whai i te:

- NCEA Taumata 3
- Ngā marau e toru kei te Taumata 3 (neke atu rānei):
 - 12 whiwhinga kei ngā marau kua whakaaetia he marau UE (mō te 2020 noa iho)
- Reo Matatini NCEA – 10 whiwhinga kei te Taumata 2 (neke atu rānei):
 - 5 whiwhinga mō te pānui
 - 5 whiwhinga mō te tuhituhi
- Ngā Tohu Tau NCEA – 10 whiwhinga kei te Taumata 1 (neke atu rānei).

Whakapā atu ki ō kaiako, ki te paetukutuku www.nzqa.govt.nz/ue rānei, mō ngā whakamārama katoa.